

Naqqiut

Saqqummiussissut 13. marts 2017 ullulerneqartoq taarserpaa
(*Naalakkersuisup taaguutaa allanngortinneqarpoq*)

Uunga siunnersuut: Suliffeqarfinnik tunniussisoqartillugu sulisut inatsisitigut inissisimanerat pillugu Inatsisartut peqqussutaata allanngortinneqarneranik Inatsisartut inatsisaat nr. xx, xx. xxx 2017-imeersoq

(Inuussutissarsiornermut, Suliffeqarnermut, Niuernermet Nukissiuuteqarnermullu Naalakkersuisoq)

Saqqummiussissut

(Inuussutissarsiornermut, Suliffeqarnermut, Niuernermet Nukissiuuteqarnermullu Naalakkersuisoq)

Siullermeerneqarnera

Naalakkersuisut sinnerlugit matumuuna saqqummiutissavara suliffeqarfinnik tunniussisoqartillugu sulisut inatsisitigut inissisimanerat pillugu Inatsisartut peqqussutaata allanngortinneqarnera pillugu Inatsisartut inatsisaattut siunnersuut.

Siunnersuutikkut peqqussut allanngortinneqassaaq, taamaasillunilu § 1, imm. 5-imi ersarississalluni aaqqissuussineq sulisunut tjenestemandiunngitsunut atortuusooq, sulisuusut taakkua Namminersorlutik Oqartussanut nuunneranni, suliassa qarfiup Danmarkimiit Namminersorlutik Oqartussanut nuunneqarneranut atatillugu. Tjenestemandinut tunngasut taamatut ittuni Kalaallit Nunaanni naalagaaffimmi tjenestemandit inatsisaanni ullumikkut naleqqussagaareerput.

Taamaasillunilu siunnersuummi Namminersorneq pillugu siunnersuisoqatigiit Kalaallit Nunaanni namminersorneq pillugu isumaliutissiissutaanni inassuteqaataasut peqqussummi malinneqarput, suliassa qarfiit tiguneqarneri pigaangata.

Peqqussutip malittarisassaannik atuinerup siunertaraa qularnaassallugu nuussineq silatusaartumik ingerlanneqassasoq, sulisuusunut pineqartunut atatillugu. Malittarisassallu ilaatigut isumaqarput sulisut tiguneqartut soraarsitaasinnaanermut tigusinermik tunngavilimmut illersorneqassasut. Allanguinerlu aamma isumaqarpoq sulisuusut illersorneqartut nalornissuteqarsinnaanermut isumaqatigiissutit suut siunissami atorfeqarnermini tunngaviunersut pillugit.

Taamatut oqaaseqarlunga siunnersuut Inatsisartunut kajumissaartumik suliassanngortippara.